

**БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ**



Привремена заједничка комисија оба дома  
Парламентарне скупштине Босне и Херцеговине  
за спровођење процедуре за именовање  
замјеника директора Агенције  
за заштиту личних података у Босни и Херцеговини

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE**

Privremena zajednička komisija oba doma  
Parlamentarne skupštine Bosne i Hercegovine  
za provođenje procedure za imenovanje  
zamjenika direktora Agencije  
za zaštitu ličnih podataka u Bosni i Hercegovini

Privremeno zajedničko povjerenstvo obaju domova  
Parlamentarne skupštine Bosne i Hercegovine  
za provođenje procedure za imenovanje  
zamjenika ravnatelja Agencije  
za zaštitu osobnih podataka u Bosni i Hercegovini

Broj:01,02-50-16-161-5,1/21  
Sarajevo, 21.1.2021.

**PREDSTAVNIČKOM DOMU  
DOMU NARODA  
PARLAMENTARNE SKUPŠTINE BiH**

**BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO**

3

PRIMLJENO: 21-01-2021			
Organizaciona jedinica	Klasifikaciona oznaka	Broj stranica	Broj strana

Na osnovu člana 56. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 78/19), člana 46. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16) i člana 43. Zakona o zaštiti ličnih podataka („Službeni glasnik BiH“, br. 49/06 i 76/06 i 89/11), Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje zamjenika direktora Agencije za zaštitu ličnih podataka u Bosni i Hercegovini na 5. sjednici, održanoj 21.1. 2021., usvojila je, te Predstavničkom domu i Domu naroda Parlamentarne skupštine BiH podnosi sljedeći

**IZVJEŠTAJ**

**o utvrđivanju prijedloga rang-liste kandidata za izbor zamjenika direktora Agencije za zaštitu ličnih podataka u Bosni i Hercegovini**

**I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje zamjenika direktora Agencije za zaštitu ličnih podataka u Bosni i Hercegovini**

Parlamentarna skupština BiH je na 12. sjednici Doma naroda, održanoj 8. oktobra 2020., i na 13. sjednici Predstavničkog doma, održanoj 14. oktobra 2020., imenovala članove Privremene zajedničke komisije oba doma Parlamentarne skupštine BiH za provođenje procedure za imenovanje zamjenika direktora Agencije za zaštitu ličnih podataka (u daljnjem tekstu: Komisija), u kojoj su:

Borjana Krišto, Adil Osmanović i Sanja Vulić iz Predstavničkog doma, te Asim Sarajlić, Nikola Špirić i Lidija Bradara iz Doma naroda Parlamentarne skupštine BiH.

## **II. Zadaci i hronologija rada Komisije**

U skladu s članom 43. Zakona o zaštiti ličnih podataka, te čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine( „Službeni glasnik BiH“, broj 37/03), zadatak Komisije bio je da usvoji potrebne akte o svom radu, te provede daljnju proceduru izbora i predlaganja imenovanja, u skladu s navedenim zakonskim propisima i aktima o svom radu.

Kako bi realizirala svoje zadatke, Komisija je održala pet sjednica.

Konstituirajuća sjednica održana je 19. oktobra 2020. Na toj su sjednici članovi Komisije jednoglasno za predsjedavajuću izabrali Lidiju Bradara, za prvu zamjenicu predsjedavajuće Sanju Vulić, te za drugog zamjenika predsjedavajuće Adila Osmanovića.

S ciljem javnosti rada, na veb-stranici PSBiH objavljeni su određeni akti, kao što su tekst Javnog konkursa i najave održavanja sjednica.

Postupajući u skladu sa svojim nadležnostima, Komisija je na 2. sjednici, održanoj 21. oktobra 2020., usvojila Poslovnik o radu. Poslovnikom o radu propisan je način rada, raspisivanje i uslovi javnog konkursa, dokumenti koji se prilažu uz prijavu, rad po završetku javnog konkursa, intervju - javno saslušanje kandidata, kriterij bodovanja, postupak bodovanja i utvrđivanje prijedloga rang-liste kandidata za zamjenika direktora i druga pitanja.

Na osnovu zakonskih, te odredaba čl. od 7. do 10. Poslovnika, Komisija je pripremila i donijela Odluku o objavi Javnog konkursa za provođenje procedure imenovanja zamjenika direktora Agencije za zaštitu ličnih podataka u BiH. Uslove Javnog konkursa Komisija je utvrdila na osnovu navedenih zakonskih i odredaba Poslovnika o radu Komisije.

Javni konkurs objavljen je u:

„Službenom glasniku Brčko Distrikta BiH“, broj 41/20 od 30. 10. 2020. i „Službenom glasniku BiH“, broj 70/20, od 3. 11. 2020., te na veb-stranici Parlamentarne skupštine BiH, a obavještenje o Javnom konkursu u dnevnim listovima „Dnevni avaz“, „Glas Srpske“ i „Večernji list“.

Rok za podnošenje prijave na Javni konkurs bio je (zaključno) 18. novembar 2020.

## **III. Prijavljeni kandidati, utvrđivanje ispravnosti dostavljene dokumentacije i intervju**

U skladu s članom 11. Poslovnika o radu, sljedeći zadatak Komisije sastojao se u provjeri formalno-pravne valjanosti, blagovremenosti i kompletnosti prijave kandidata s dostavljenom dokumentacijom.

U ovoj fazi rada Komisija je konstatovala da su se na Javni konkurs prijavila dva kandidata, i to:

1. Ante Boras
2. Anita Markić

Komisija je na 3. sjednici, održanoj 7. 12. 2020., pojedinačno i detaljno razmotrila prijave kandidata i dostavljene dokumente. Nakon uvida u dokumentaciju prijavljenih kandidata, Komisija je utvrdila da kandidati ispunjavaju uslove predviđene Javnim konkursom za poziciju zamjenika direktora Agencije za zaštitu ličnih podataka u BiH.

U skladu s članom 12. Poslovnika o radu Komisije, kandidati su pozvani na intervju. O datumu, vremenu i mjestu održavanja intervjua pismeno su obaviješteni.

Komisija je na 4. sjednici, održanoj 21.1.2021., obavila intervju - javno saslušanje kandidata.

Intervjuu se odazvao jedan prijavljeni kandidat za poziciju zamjenika direktora Agencije za zaštitu ličnih podataka u BiH.

Kandidat Anita Markić obavijestila je članove Komisije da je odustala od intervjua.

Komisija je, u skladu s članom 13. Poslovnika o radu, izradila obrazac - tabelu za ocjenjivanje kandidata za poziciju zamjenika direktora Agencije za zaštitu ličnih podataka u BiH. Broj bodova kandidata količnik je sabranih ocjena koje je dao svaki intervjuu prisutni član Komisije podijeljen s brojem intervjuu prisutnih članova Komisije.

#### **IV. Utvrđivanje prijedloga rang-liste kandidata**

U skladu s članom 14. Poslovnika o radu Komisije, njen sljedeći zadatak je bio da, nakon provedene procedure, utvrdi prijedlog liste kandidata za zamjenika direktora Agencije za zaštitu ličnih podataka u BiH, prema mišljenju Komisije, najuspješnijeg kandidata za zamjenika direktora Agencije za zaštitu ličnih podataka u BiH. Komisija je pri tom bila obavezna ispoštovati uslove utvrđene Zakonom – zastupljenost konstitutivnih naroda. Također, Komisija se obavezala da će, poštujući zakonske odredbe Poslovnika o radu, u svom izvještaju domovima Parlamentarne skupštine BiH dostaviti prijedlog za zamjenika direktora Agencije za zaštitu ličnih podataka u BiH, te da će navesti ime i bodove za kandidata s kojim je obavljen intervju.

**IV.1.** Kako se Komisija, u skladu s članom 14. Poslovnika o radu, obavezala predložiti domovima Parlamentarne skupštine BiH listu kandidata za zamjenika direktora Agencije za zaštitu ličnih podataka u BiH to je u nastavku utvrdila prijedlog navedene liste:

**IV.2.** Nakon provedenog intervjua i bodovanja kandidata, Komisija je utvrdila sljedeću listu kandidata za poziciju zamjenika direktora Agencije za zaštitu ličnih podataka u BiH.

**PRIJEDLOG LISTE KANDIDATA ZA IMENOVANJE ZA ZAMJENIKA DIREKTORA AGENCIJE ZA ZAŠTITU  
LIČNIH PODATAKA U BiH**

Kandidat za zamjenika direktora	Pripadnost narodu	Broj bodova
ANTE BORAS	H	98,75

**V. Dostavljanje prijedloga rang-liste kandidata za zamjenika direktora Agencije za zaštitu ličnih podataka u parlamentarnu proceduru**

Komisija je na 5. sjednici, održanoj 21.1.2021., jednoglasno usvojila prijedlog rang-liste kandidata za zamjenika direktora Agencije za zaštitu ličnih podataka u BiH.

U skladu sa zakonskim i poslovnim odredbama, Komisija dostavlja utvrđeni prijedlog liste kandidata za zamjenika direktora Agencije za zaštitu ličnih podataka u BiH Predstavničkom domu i Domu naroda Parlamentarne skupštine BiH na daljnji postupak.

Za izvjestioca o radu i o izvještaju Komisije u domovima Parlamentarne skupštine BiH određeni su:

- iz Doma naroda – Lidija Bradara, predsjedavajuća Komisije
- iz Predstavničkog doma – Sanja Vulić, prva zamjenica predsjedavajuće Komisije.



Dostaviti:

- Kolegiju Predstavničkog doma
- Kolegiju Doma naroda
- a/a

Prilog:

- prijedlog rang-liste za zamjenika direktora Agencije za zaštitu ličnih podataka u BiH
- biografija kandidata za zamjenika direktora Agencije za zaštitu ličnih podataka u BiH

**PRIJEDLOG**

**RANG-LISTE KANDIDATA ZA IMENOVANJE ZAMJENIKA DIREKTORA AGENCIJE ZA ZAŠTITU LIČNIH  
PODATAKA U BIH**

Kandidat za zamjenika direktora	Pripadnost narodu	Broj bodova
ANTE BORAS	H	98,75

  
Predsjedavajuća  
Privremene zajedničke komisije  
Lidija Bradara

Prva zamjenica predsjedavajuće

Sanja Vulić

Drugi zamjenik predsjedavajuće

Adil Osmanović